

**Naaja H. Nathanielsen
Attaviitsoq**

Nuuk 20. april 2016

Inatsisartut suleriaasianni § 37 naapertorlugu Naalakkersuisunut matumuuna apeqquteqaateqarpunga ukuninnga:

- 1) Takorluukkat imaluunniit politikikkut apeqqutit suut Naalakkersuisut isumaat naapertorlugu innuttaasunik taasisitsisoqartitsisinnaappat?**
- 2) Uranimik piiaanissap avissaartuutsitsinerata innuttaasunik taasisitsinissamik kinguneqannginnera sumik pissuteqarpa?**

(Inatsisartuni ilaasorta, Naaja H. Nathanielsen)

Tungavilersuut

Sapaatip akunnerani kingullermi innuttaasut nuna tamakkerlugu akerliussutsimik takutsitseqqipput. Akerliussutsimik takutitsinerpassuarni piunasaqaataasoq tassaavoq, uranimik piiaanissap innuttaasunut taasisitsissutiginnissaa. Qulequtaq taanna ukiuni kingullerni marlunni unissanani kikkunnit tamanit oqallisigineqarpoq. Oqallinnerlu noqqillaamisussaganngilaq. Uranimik piiaanermut qanorluunniit isumaqaraluaanni, inuiaat akerliunerat isummerfigisariaqarparput. Akerliuneq Nunatsinni nunanilu allani tusagassiutini qulequtaajuarpoq kiisalu politikikkut aalajaatsumik ingerlatsiniarnermi eqqissiviillortitsivoq qulartitsilerlunilu. Politikikkut aqutsisut innuttaasunik taasisitsinissaq itigarteqattaartuarpaat. Uranimik atueqqusiunnaarnerup atorunnaasinneqarnera politikikkut Inatsisartunit amerlanerussuteqartunit akuersissutigineqarsimaneranut innersuussisoqassaaq. Kisianni akerliuneq minnerulersissimangilaa. Taamaattumik taamatut tungavilersuinerup ajornartorsiut aaqqinnaviangilaa. Qulequtaq taama pingaaruteqartigisoq innuttaasunik taasissutigineqassanngippat, taava qulequtaq suna innuttaasunit taasissutigineqartariaqarpa?

Ullut qulit suliffiusut ingerlaneranni akineqareernissara kissaatigaara.